



UNIVERSITÄTS-
BIBLIOTHEK
PADERBORN

Universitätsbibliothek Paderborn

Liber Theologiæ Moralis, Viginti Qvatvor Societatis Iesv Doctoribvs Reseratvs

Escobar y Mendoza, Antonio de

Lvgdvni, 1659

IV. Practicæ Resolutiones circa dicta.

urn:nbn:de:hbz:466:1-41066

CAPVT III.

De effectibus Extremae Vnctionis, eiusdemque conferenda ritu.

§. 1.
Effectus
Extremae
Vnctio-
nis.

15. **Q**uam Extrema Vnctionis effectus? Praecipuus plane est, peccatorum auferre reliquias; quaecunque sine peccata; vel relicta post Sacramenta non ritè suscepta, vel commissa post illa, & obliuioni tradita; siue, vt vno verbo complectar, omnia: deinde corroboratio infirmi contra omnia mala, quæ mortis tempore solent occurrere. Hunc effectum gratiæ, quando vltima perficitur vnctio, dari affirmo. Scio tamen probabile in singulis vnctionibus conferri. Præterea sanitas corporis huiusce Sacramenti effectus est; sed conditionatè, si ita animæ salutis proficuum sit futurum.

§. 2.
Ritus
Extremae
Vnctio-
nis.

16. **Ritum ab Ecclesia in conferenda vnctione seruatum exprime.** Primò Christi imago in Cruce pendentis decumbenti affertur. Tum preces aliquæ siue quæ præcedant, siue quæ comitentur assolent adhiberi. Deinde infirmus inungitur, qui si ante vnctionem quintam decedat è vita, Sacramentum est nullum. Contrarium scio probabiliter defendi.

CAPVT IV.

Praxis circa materiam de Extrema Vnctione ex Societatis IESV schola.

§. 1.
De Mi-
nistro
Extremae
Vnctio-
nis.
Marat.
Præp.

17. **M**inister non potest esse nisi Sacerdos: an necessariò vnus? Si infirmus statim decessurus timeretur, possunt ei vnctiones simul à pluribus Sacerdotibus adhiberi; quia cum inter vnctiones partiales ordo non sit de essentia, in necessitate simul possunt adhiberi. *Maratus tom. 3. d. 10. sect. 1. num. 1. & Prepositus in 3. part. quest. vnic. dub. 5. num. 37.*

Marat.
Præp.
Fernad.

18. **Parochus est, extra necessitatem Minister;** quia est iurisdictionis actus: potest ne alius Sacerdos simplex etiam Religiosus in necessitate sine licentia Parochi, imò resistente ipso, ministrare? Potest auctore Antonio Fernandez de Cordoba part. 3. cap. 10. §. 1. num. 8. Addens, poenam excommunicationis inflatam in Clem. Religiosis, hoc Sacramentum extra necessitatem

tem ministrantibus, quæ etiam à Sacerdote seculari incurritur.

19. Tenetur ne, absente Parocho, infirmum ungere simplex Sacerdos? Tenetur ex charitate non tamen sub mortali, nisi infirmus confiteri, & communicare non potuisset. Layman Laym. lib. 5. tract. 8. cap. 7. n. 3.

20. Debet Minister responsorem, & preces adhibere: omitte utrumque, peccat ne? Non, si periculum urget. Tannerus tom. 4. Tanner. d. 7. q. 1. dub. 1. num. 85.

21. Potest ne Extrema Vnctio pueris post usum rationis ministrari, si nondum fuerunt Eucharistia consecrati? Potest; quia maior discretio requiritur ad Communionem, quam ad hoc Sacramentum. Hurtado Compl. de Extrema-Vnct. diff. 10. §. 2. De sub- iecto Ex- tremæ

22. Dubium est, an puer rationis compos, unguendus ne? Ita plane sub conditione: Si es capax. Lugo Card. de Euch. d. 13. Vnctio- nis. Hurt. sect. 4. n. 41.

23. Agnovit Parochus ex Confessione puerum nunquam actualiter peccasse: neganda ne ei inunctio? Non; quia iuuare illum potest, ne peccet; & conferre, si expediat, sanitatem An falsificabitur forma, Inlugeat tibi Deus quidquid deliquisti, &c. Non, quia sensus est, Conferat tibi Deus gratiam de se remissiuam. Sicut non falsificatur absolutionis forma, cum confertur ei, qui iam est per contritionem in gratia. Suarius tom. 4. d. 42. sect. 2. num. 10. Suar.

24. Necessarium ne peccatori inungendo præmitti Confessionem? Si adsunt peccata mortalia, & timeatur tempus defuturum, debet præmitti Confessio; quia prius abhibenda sunt Sacramenta necessaria, deinde utilia. At si adsit vomitus periculum, debet dari, haud præmissa Communionem. Si ita morbus infirmum illigauit, ut neque confessus fuerit, nec signa Contritionis expressit, inunctio impertienda. Rogo, an quantum est ex ordine Sacramentorum, possit dari unctio peccatori absque Confessione præuia? Potest; quia ad hoc Sacramentum dignè suscipiendum satis est Contritio, vel attritio purata Contritio. Filliuc. Filliucius tom. 1. tract. 3. cap. 5. n. 114. §. 3. De Ex- tremæ

25. Scio oleum oliuarum huius Sacramenti materiam: potest ne Chrisma deseruire? Afferit Layman. lib. 5. tract. 8. cap. 2. num. 4. si quis per errorem Chrismate infirmum inunxisset nihil innouandum, præcipuè cum unctio plerumque non sine materia, scandalo iteraretur. & for-

26. Sufficit ne una olei gutta in singulis unctionibus? Ait ma. non sufficere; quia Laym. non satis est ad unguendum. At ex Reginaldo tom. 2. lib. 28. Filliuc. cap. 9. Regin-

846 *Moralis Theologiae Tract. VII. Sacramenta,*
cap. 9. num. 13. & Tannero tom. 4. d. 7. q. 1. dub. 3. n. 16. sufficit
gutta olei; quia non tota pars corporis, sed eius particula
inungenda est.

Becan.

27. *Necessaria ne cuncta inunctiones membrorum ad essen-*
tiam Sacramenti, & producendam gratiam? Ex Becani senten-
tia de *Sacr. c. 25. q. 7. n. 6.* vnica sufficit; quia non aliud ex scri-
ptura, & Ecclesiae traditione colligitur. *Florentinum Conci-*
lium plures inunctiones inuicem. Non obstat, quia septem assi-
gnat, quarum certum, non omnes necessarias. Porro debentur
iuxta Ecclesiae consuetudinem plures adhiberi; quae vnum
Sacramentum dicuntur, quemadmodum plures Ordines, &
plures species in Eucharistia.

28. *Potest ne in necessitate vnica adhiberi inunctio?* Si ti-
meatur, aegrotum ante quinque solitas vnctiones discessu-
rum, vel Ministrum ipsum peste inficiendum, vel alios aegro-
tos absque vlla decessuras vnctione: potest. Probabile enim
est, per vniam vnctionem aliquam habitualem gratiam ac-
quiri, & actuaalem, imò & corporis (si oportet) sanitatem.
Alioqui cum hoc Sacramentum sit necessarium, non fit iniu-
ria infirmo; & cum adhibeatur conditio, neque Sacramento.

Granad.

Granado in 3. d. contr. 8. tract. vnic. 7. n. 12.

Filliuc.

29. *Sufficit ne in necessitate non solum vnus sensus, sed &*
vnus oculi, auris, &c. inunctio? Sufficere asserit *Filliucius*
tom. 1. tract. 3. c. 5. n. 129. vnctionem vnus oculi, auris, naris,
manus, &c. cum forma generali: *Indulgeat tibi Deus quidquid*
per visum, auditum, &c. deliquisti.

Beccan.

30. *Peccatum ne mortale, absque necessitate signa Cru-*
cis omittere? Aliquis ex externis asseruit. At ex *Becano de*
Sacram. cap. 27. quaest. 3. num. 3. assero non rectè se gerere,
qui illa, absque necessitate, dimittit; sed mortaliter non pec-
care.

31. *Licet ne tempore pestis, ad vitandam contagionem infr-*
num virga argentea, aut lignea, aut pluma inungere lon-
giori? Licet; quia huiusmodi vsus Sacramento non in-
fert irreuerentiam, & ius conseruandi vitam est nobis
agnatum.

32. *Dixisti formam Vnctionis esse: Per istam sanctam vn-*
ctionem, & suam piissimam misericordiam, indulgeat tibi Deus,
quidquid per visum deliquisti in nomine Patris, & Filij, &
Spiritus sancti: rogo, in vltima verba sint necessaria, & quid-
nam de aliis? *Filliucius* negat haec necessaria esse *tom. 1. r. 3.*
c. 4. n. 86. At *Reginaldus tom. 2. n. 28. c. 9. n. 56.* idem affirmat
de illis: *Sanctam & Piissimam;* quia sine illis integer sensus
manet.

Filliuc.

Regin.

manet. *Suar. tom. 4. in 3. p. d. 40. sect. 3. n. 13.* fert idem iudicium de particula, *Per suam misericordiam*; quia causa principalis huius Sacramenti sufficienter exprimitur illis verbis: *Indulgeat tibi Deus*. Idem alij asserunt de particulis, *Per visum, auditum, &c.* Vnde de necessitate Sacramenti sunt illa, *Per istam Sanctam vnctionem indulgeat tibi Deus, quidquid deliquisti*. At qui reliqua sine necessitate omitteret, proculdubio peccaret.

33. Scio Vnctionem, cessante contemptu, & scandalo, non esse homini necessariam necessitate medijs, nec precepti sub mortali obligantis: rogo, an contemptum arguat posse aegrotum suscipere, tamen hoc omittere Sacramentum? Negat Tannerus tom. 4. d. 7. q. 1. dub. 3. num. 56. §. 4. De necessitate & utilitate Ex-

34. Scio Extremam Vnctionem delere peccata, si adsunt, illorum reliquias; contra teneationes infirmum roborare; & sanitatem, si ad salutem animi confert, exhibere: rogo, an ad hunc sanitatis effectum, accipienda sit Vnctio, corpore adeo viribus destituito, ut miraculum necessarium sit? Minimè ad huiusmodi terminum differendum est; quia Sacramentum non operatur virtute miraculosa, sed supernaturali ordinaria. Adde deuotionem infirmi, & rationis vsum plurimum conferre. Attamen non multum est festinandum; quia ideo Vnctio appellatur extrema, quòd non debeat dari nisi in discrimine vitæ constitutis. trema Vnctio- nis. Tann.

35. Quandoam huiusce Sacramenti gratia confertur? Quando vltima Vnctio quæ est quinta, cum sua forma essentiali confertur, *Suar. Doctore d. 4. sect. 2. num. 13.* Ast qui existimant singulas Vnctiones esse integrum Sacramentum, asserunt post singulas conferri. Suar.

36. Potest ne moribundus oleo vetere iungi? Renouandum certe quotannis, verusque comburendum in Ecclesia, vel in piscinam iniiciendum. Si tamen nullum adsit oleum, nisi vetus, potest eo iungi auctore *Laymano*. §. 5. De Extrema Vnctione

37. Sufficit ne forma indicatiua in hoc Sacramento? Affirmat *Beccanus*, negat *Coninch*. Ex *Suar. y* sententia hæc videtur forma sufficiens: *Vngo te oleo sancto, & Deus tibi remittat quidquid peccasti, &c.* Laym. Suar.

38. Absit Parochus: tenetur ne alius Sacerdos ministrare aegroti Extremam Vnctionem? Sub veniali solum tenebitur lege charitatis. Secus si æger grauiter indigeret, ut quia alias sine vllis Sacramentis esset moriturus, uti aduertit *Laymanus*.

39. Parochus adest, sed non vult, aut non potest infirmum unungere.

inungere. Possè tunc Sacerdotem inferiorem etiam Parochus

Henriq. *renitente, eum inungere Henriquez affirmat; quia Parochus se gerit iniuste.*

40. *Morbundus sensibus destitutus alia Sacramenta non potuit suscipere: potest ne inungi temporè interitù?*

Henriq. *Possè Henriquez idem ait; ne omnino sine Sacramentis decedat.*

41. *Adultus in articulo mortis baptizatus est: potest ne & Vnctio ei ministrari?*

Henriq. *Absolutè possè Henriquez affirmat.*

Laym. 42. *Cuinam atati danda Extrema Vnctio? Docet Laymanus omnibus pueris post septennium conferendam, nisi constet eos rationis usu carere, licet nunquam acceperint Eucharistiam. Quid si de rationis usu dubuetur? Sub conditione inungantur.*

43. *Cognoscit Parochus puerum nunquam peccasse, quia eius audiuit Confessionem: num debeat eum inungere? Debet auctore Suarìo; quia illi proderit hæc Vnctio, si non ad peccati reliquias abolendas, saltem ad robur acquirendum contra tentationes, & morbi molestias, imò ad gratiæ incrementum.*

44. *Morbus est diuturnus, v. g. hydropisis: iteranda ne Extrema Vnctio? Ex Valentia respondeo possè tali in morbo iterari, quoties redit periculum.*

45. *An necessaria ad formam Trinitatis inuocatio? In solo Baptismo, & Confirmatione necessariam esse certum est.*

46. *Sufficit ne verba præferre paulò ante, aut post vntionem? Idem Toletus sufficere iudicat, sicut in Baptismo, aut Confirmatione. Addens quidem ad singulas vntiones novam stupam adhibendam, quæ postea comburenda est.*

47. *Duoicat Sacerdos, num vsuat exortus: vngendus ne? Danda Vnctio sub conditione, si non est mortuus, vt ex Nauarr. Saa affirmat, addiciens hoc Sacramentum remittere venialia, imò mortalia, faciens de attrito contritum.*